

VATIKAN: Sri Paus Fransiskus menyeru para pendidik untuk menyebarkan pesan Kristus dan misi Gereja dengan setia pada zaman kontemporari ini. Seruan ini dinyatakan oleh Bapa Suci dalam kepada Fakulti Teologi Triveneto sempena ulang tahun ke-20 fakulti itu. Teks yang ditandatangani oleh Sri Paus itu dihantar kepada rektor fakulti, Fr Maurizio Girolami.

Fakulti Teologi Triveneto, yang berpusat di Padua, menghubungkan lima institut teologi dan tujuh institut sains agama yang unggul di wilayah utara Itali, Veneto, Friuli-Venezia Giulia dan Trentino Alto-Adige.

Ia ditubuhkan pada tahun 2005 di mana beberapa institut memberikan pembentukan teologi akademik kepada orang awam, klerus, seminarian dan religius.

Dalam suratnya, Bapa Suci menyatakan bahawa ulang tahun ke-20 fakulti itu memberikannya peluang "untuk menyatakan kesyukuran kepada Tuhan untuk perkara-perkara baik pada tahun-tahun sebelumnya, terutama untuk kepentingan generasi muda di rantau ini."

Membawa Kristus kepada dunia

"Saya menggalakkan, seluruh keluarga akademik untuk bertahan dalam kerjasama dengan misi Gereja, untuk menyebarkan pesan Kristus di dunia, setia kepada tradisi yang tulen, juga terbuka untuk membaca tanda-tanda masa."

Tambahnya, "Ini bermaksud mengambil cabaran baharu dengan berani bagi membawa kebenaran Injil kepada manusia kontemporari dengan berkesan."

Untuk mencapai matlamat ini, Sri Paus menyeru fakulti teologi "menjadi tempat pembentukan yang semakin penting, bukan hanya melalui kajian dan mendalami teologi, tetapi juga melalui kesaksian Kristian setiap individu."

"Saya berharap guru-guru akan membantu orang muda untuk menyedari diri mereka berdasarkan kebenaran, kebaikan dan keindahan yang mempunyai sumber mereka dalam Tuhan."



Sebarikan pesan Kristus dengan setia!

Dengan sentimen ini, Sri Paus Fransiskus mengulangi rasa terima kasihnya atas misi dan komitmen pendidikan mereka yang berterusan, sambil memohon Bunda Maria melindungi dan memberkati usaha mereka.

Sri Paus Fransiskus semakin stabil di Hospital Agostino Gemelli Roma

Seperti yang diketahui, Sri Paus Fransiskus telah dimasukkan ke Hospital Agostino Ge-

melli Roma pada hari Jumaat, Februari 14, kerana jangkitan saluran pernafasan.

Akibat berita tersebut, pelbagai berita palsu telah tersebar bahawa Vatikan sedang mempersiapkan pengubatan untuk Bapa Suci dan Sri Paus dalam keadaan kritikal.

Laporan terbaharu pada Februari 19, para petugas kesihatan telah melakukan ujian darah dan melalui ujian darah itu, Bapa Suci beransur sembuh dan stabil.

Prelatus itu tetap melakukan kerja-kerja bersama kakitangan kepausan malah sempat menyiapkan teks katekesis untuk Audiensi Umum Hari Rabu.

Bapa Suci juga dikatakan menerima komuni sebelum makan tengah hari. Beliau juga menerima kunjungan daripada Perdana Menteri Itali, Giorgia Meloni, selama 20 minit. **Media Vatikan**



Tahun Jubli 2025 adalah Harapan untuk Keluarga dan Kehidupan

MANILA: Seorang kardinal di Filipina menyeru umat Katolik untuk menjunjung tinggi nilai kehidupan di tengah-tengah pelbagai ancaman terhadap keluarga dan kehidupan.

Kardinal Jose Advincula, Uskup Agung Manila, mengatakan Tahun Jubli yang sedang berlangsung sekarang memberikan kesempatan bagi umat Katolik untuk menegaskan kembali komitmen mereka dalam melindungi kehidupan.

"Tahun Jubli adalah waktu yang tepat untuk menegaskan komitmen kita sebagai penziarah harapan demi kesucian dan pentingnya kehidupan mulai dari pembuahan hingga kematian alamiah," kata Kardinal Advincula dalam pesan yang disiarkan di Radio Veritas.

Kardinal Advincula menggesa semua paroki dan komuniti, terutama komiti, organisasi keluarga dan kehidupan, untuk menganjurkan acara tahunan, *Walk for Life* pada Februari 23 lalu.

Kardinal Advincula telah memimpin Misa di katedral itu bersama beberapa orang uskup dan paderi, sebelum memulakan acara "Berjalan untuk Kehidupan".

Pada Jun tahun lalu, Komisi Keluarga dan Kehidupan Konferensi para Uskup Katolik Filipina menentang Rang Undang-undang (RUU) perceraian, dengan menegaskan hal itu dapat menyebabkan meningkatnya perpecahan keluarga dan penurunan nilai-nilai moral.

Dewan Perwakilan Rakyat pada Mei 22 tahun lalu telah menyetujui RUU tersebut yang membenarkan perceraian.

Namun, RUU tersebut masih menunggu persetujuan Senat dan akan menjadi undang-undang jika Majelis Tinggi juga menyetujuinya.

Filipina adalah satu-satunya negara, termasuk Vatikan, di mana pasangan suami-isteri tidak boleh sewenang-wenangnya mengakhiri perkahwinan mereka. **ucanews.com**

Perjuangan kita dalam mengasihi

Beberapa tahun yang lalu, seorang pastor Presbyterian yang saya kenali telah mencabar jemaatnya untuk membuka pintu dan hati mereka seluas-luasnya kepada golongan miskin.

Pada mulanya jemaatnya dapat melakukannya dengan semangat dan beberapa program diperkenalkan untuk menjemput orang dari kawasan ekonomi yang kurang bernasib baik di bandar, termasuk orang jalanan, untuk datang ke Gereja mereka.

Tetapi rasa prihatin itu tidak lama kemudian terhenti setelah cawan kopi dan beberapa barangan lain mula hilang, beberapa beg tangan dicuri malah Gereja dan ruang pertemuan sering ditinggalkan kotor.

Beberapa jemaat mula mengadu dan mendesak agar program itu diakhiri: Mereka mengatakan: “Ini bukan apa yang kami harapkan! Gereja kita tidak lagi bersih dan selamat! Kami mahu menjangkau orang-orang ini tetapi ini pula yang kami dapat! Ini terlalu susah untuk diteruskan!”

Tetapi pastor itu tetap dengan pendiriannya, menegaskan bahawa harapan jemaatnya itu adalah naif, bahawa apa yang mereka alami adalah sebahagian daripada kos untuk menjangkau orang miskin, dan Yesus juga telah menyatakan bahawa untuk mengasihi adalah tidak selamat dan berisiko, mengasihi bukan sahaja menjangkau golongan miskin tetapi menjangkau sesiapa sahaja.

Kita suka memikirkkan diri kita sebagai peramah dan penyayang, tetapi, kebenarannya pengertian kita tentang cinta sangat naif.

Kita berjuang untuk mencintai kerana Yesus mengajak kita untuk mencintai, iaitu, untuk saling mengasihi seperti Dia yang mengasihi kita!

Klausula terakhir dalam ayat ini mengandung cabaran sebenar: Yesus tidak mengatakan, saling mengasihi mengikut reaksi spontan hati anda; atau, saling mencintai sebagai mengikut definisi cinta masyarakat. Sebaliknya, *saling mengasihi kerana Aku mengasihi kamu*.

Dan, untuk sebahagian besar, kita berjuang untuk berbuat demikian.



- Kita berjuang untuk mengasihi musuh-musuh kita, untuk menawarkan pipi, menjangkau untuk merangkul mereka yang membenci kita. Kita berjuang untuk berdoa bagi mereka yang menentang kita.

- Kita berjuang untuk memaafkan mereka yang menyakiti kita, untuk memaafkan mereka yang membunuh orang yang kita sayangi.

- Kita berjuang untuk meminta Tuhan agar memaafkan orang-orang yang menyakiti kita. Kita berjuang untuk mempercayai, seperti Yesus, meskipun orang-orang itu tidak menyedari apa yang mereka lakukan.

- Kita berjuang untuk menjadi besar dan mengambil jalan yang mulia apabila kita kurang diperhatikan atau diabaikan, dan kita berjuang untuk membiarkan pemahaman dan empati menggantikan kepahitan dan keinginan kita untuk menarik diri. Kita berjuang untuk tidak melepaskan dendam.

- Kita berjuang untuk menjadi peka, menerima risiko penghinaan dan pe-

nolakan dalam menawarkan kasih kita. Kita berjuang untuk melepaskan ketakutan kita untuk disalahfahami, tidak kelihatan baik, tidak kelihatan kuat dan terkawal. Kita berjuang untuk berangkat tanpa alas kaki, untuk mencintai tanpa keselamatan.

- Kita berjuang untuk membuka hati kita seluas-luasnya untuk meneladani cinta sejagat, tidak mendiskriminasikan Yesus, untuk meregangkan hati kita untuk melihat semua orang sebagai saudara atau saudari perempuan, tanpa mengira kaum, warna atau agama.

- Kita berjuang untuk berhenti tergoda dengan rahsia kehidupan kita sendiri dan berhenti memikirkan bahawa kehidupan orang yang kita sayangi lebih berharga daripada orang lain.

- Kita berjuang untuk membuat pilihan keutamaan bagi golongan miskin, untuk membawa golongan miskin ke meja kami, untuk meninggalkan kecenderungan kita untuk mengutamakan yang menarik dan berpengaruh.

- Kita berjuang untuk mengorbankan

diri kita ke titik kehilangan segala-galanya demi orang lain, untuk benar-benar meletakkan kehidupan kita untuk kawan-kawan kita — dan sememangnya untuk musuh kita. Kita berjuang untuk bersedia mati untuk orang yang menentang kita dan cuba menyalibkan kita.

- Kita berjuang untuk mencintai dengan kesucian hati, untuk tidak mencari diri kita sendiri dalam hubungan kita. Kita berjuang untuk hidup dengan penuh semangat, menghormati sepenuhnya dan tidak mengasari orang lain.

- Kita berjuang untuk berjalan dengan kesabaran, memberikan orang lain ruang penuh yang mereka perlukan untuk berhubung dengan kita mengikut arahan dalaman mereka sendiri.

- Kita berjuang untuk berpeluh darah untuk menjadi setia. Kita berjuang untuk menunggu dengan kesabaran yang betul, membiarkan Tuhan dalam masa-Nya yang baik, untuk menghakimi terhadap yang baik dan salah.

- Kita berjuang untuk menentang keinginan semulajadi kita untuk menilai orang lain. Kita berjuang untuk meninggalkan penghakiman kepada Tuhan.

- Akhirnya, sekurang-kurangnya, kita berjuang untuk mencintai dan memaafkan diri kita sendiri, mengetahui bahawa tidak ada kesilapan yang membuat kita terpisah daripada Tuhan. Kita berjuang untuk mempercayai bahawa cinta Tuhan sudah cukup dan kita selama-lamanya dipegang dalam rahmat Tuhan yang tidak terhingga.

Ya, cinta adalah perjuangan. Selepas isterinya, Raissa meninggal dunia, Jacques Maritain menyunting buku jurnal isterinya.

Dalam pengantar buku itu, dia menggambarkan perjuangannya dengan penyakit yang akhirnya membunuhnya.

Dia sangat lemah dan tidak dapat bercakap, dia bergelut dengan kuat sehinggalah pada hari-hari terakhirnya. Penderitaan isterinya bagaimanapun, mematangkan iman dan peribadi Jacques. **Hakcipta Terpelihara @ Fr Ron Rolheiser 1999-2025**

Setiap pohon dikenali dari buahnya

Pembacaan Injil hari Minggu biasa kelapan memberikan gambaran umum tentang – buah-buahan.

Yesus menyampaikan hikmat dalam kitab Sirakh “pohon itu terlihat dari buahnya”, dan Paulus mengajarkan bahawa kita harus meniru pekerjaan Kristus agar kita dapat menghasilkan buah yang baik.

Pohon melambangkan hati kita, dan buah melambangkan apa yang keluar dari mulut dan tindakan kita. Jadi, tema hari Minggu ini adalah tentang pewartaan kita.

“Mulut berbicara dari kepenuhan hati” — Jika seseorang memiliki hati yang baik, ucapannya adalah cinta, kesabaran, pengertian, toleransi, dan perhatian.

Jika seseorang memiliki hati yang jahat, yang keluar dari mulutnya adalah luka, kebencian, iri hati, marah, gosip, sumpah seranah dan kejahatan.

Orang bijak tahu bila harus berbicara, dan ucapannya benar, baik dan bermanfaat.

Tidak penting berapa banyak pewartaan yang anda berikan, tetapi seberapa baik pewartaan anda! Sama seperti yang pernah diajarkan oleh Sri Paus Yohanes

XXIII, “berbicaralah lebih sedikit tetapi isinya baik.”

“Dapatkah orang buta memimpin orang buta lainnya?” jika anda seorang pemimpin/pembimbing dan anda tidak tahu bagaimana berbicara atau menggunakan kata-kata anda dengan baik untuk memimpin, menyembuhkan dan membetulkan persaudaraan kepada orang lain, anda tidak berbeza dengan orang buta memimpin orang lain.

Lantaran itu, Sri Paus Fransiskus mengundang kita untuk ‘memulihkan persaudaraan’ iaitu memperbaiki kesalahan saudara-saudari kita dengan kasih, kerendahan hati dan kebenaran.

Membetulkan orang lain bukanlah sikap superior di atas orang lain, sebaliknya berjalan bersama, bermula sekali lagi dan mengatasi kesalahan.

Dan ketika membetulkan orang lain, ingatlah bahawa seseorang memiliki kekurangannya masing-masing, yang tidak mudah dilihat atau disedari oleh orang tersebut.

Adalah baik untuk membantu sesama kita dengan nasihat yang bijaksana, terutama ketika menghadapi tantangan dan

kesalahan.

Oleh sebab itu, seseorang yang tidak dapat melihat jalan seharusnya tidak membuat orang lain jatuh ke dalam jurang.

Tanyakan pada diri kita sendiri, bagaimana saya berbicara? Adakah dengan cinta atau kebencian?

Apakah saya menilai orang dan tidak segan silu membetulkan orang lain.

Apakah saya melihat kesalahan orang lain tetapi tidak menyedari kekurangan diri sendiri?

Apakah saya seorang pemimpin yang hanya menggunakan posisi saya untuk menilai orang lain dan mengambil keputusan sesuai keinginan saya?

Apakah saya seorang pemimpin/pembimbing seperti gembala yang baik membawa domba yang hilang atau seperti seorang ayah yang merangkul anak yang hilang?

Apakah saya menyedari bahawa saya adalah orang yang sangat berdosa dan terbatas ketika membetulkan orang lain?

Biarlah kata-kata Sri Paus Fransiskus bergema dalam hati kita bahawa “seorang Kristian dalam komuniti perlu

**MINGGU BIASA
LAPAN
(TAHUN C)
SIRAKH 27: 4 - 7
1 KORINTUS 15: 54-58
LUKAS 6: 39 - 45**

membetulkan kesilapan dalam persaudaraan, dalam kasih, dalam kebenaran dan dengan kerendahan hati.”

Mari kita dekati masa Pra-Paskah dengan sikap melihat semula hati kita dan menyuburkannya dengan cinta kasih sehingga semuanya memunculkan hal-hal baik lainnya; berhenti menghakimi dan berbuat jahat.

Marilah kita ingat bahawa suatu hari nanti kita akan kembali menjadi debu, tetapi buah-buahan kita yang baik tetap ada dan menghasilkan lebih banyak buah dalam kerjasama dengan Kristus.

Biarlah ucapan kita menjadi pemberi semangat bagi orang lain dan biarkan karya kita menjadi kemuliaan Tuhan. **Sr M. Agatha Edwin OP**

Ulang Tahun ke Sembilan Kapel Cahaya Kristus Kg Sebir

LABU, Negeri Sembilan: Pada Februari 16, Kapel Cahaya Kristus di Kampung Orang Asli Sebir, Labu, Negeri Sembilan, telah meraikan ulang tahun ke sembilan dengan sambutan ringkas.

Acara ini menghimpunkan umat beriman dari Kg Belihoi, Kg Tekir, Gereja Visitation dan Gereja St Aloysius, semuanya bersatu dalam kegembiraan dan kesyukuran.

Gereja kecil itu, yang berfungsi

sebagai rumah rohani penting bagi keluarga Orang Asli di kawasan itu, pernah menjadi destinasi jauh untuk Misa.

Kini, ia berdiri sebagai tempat perlindungan dan harapan, memenuhi keperluan rohani masyarakat.

Misa ulang tahun, yang dipimpin oleh Fr Philip OCD, adalah detik refleksi tentang berkat selama sembilan tahun yang lalu.

Dalam homilinya, Bapa Philip



menggalakkan semua orang untuk terus memupuk iman mereka

dan kekal teguh di jalan menuju Kristus.

Selepas Misa, acara diteruskan dalam majlis persaudaraan. Walaupun lokasinya yang terpencil, kapel itu telah menjadi lebih daripada sekadar tempat ibadat—ia adalah mercu tanda iman, kasih sayang dan kebersamaan.

Sambutan ulang tahun itu merupakan peringatan yang indah tentang bagaimana iman boleh mengatasi cabaran dan jarak, membawa orang lebih dekat antara satu sama lain dan kepada

Lelaki dan wanita hidup bakti ada peranan istimewa

KEMABONG: “Penolakan memang sering berlaku dalam pelayanan, maka itu berhati-hatilah dan perbaharuilah motivasi setiap hari untuk melayani Yesus,” kata Uskup Cornelius semasa Misa Kudus sempena Hari Hidup Bakti Sedunia pada Februari 8 yang lalu.

“Dengan sentiasa mendengar dan mengutamakan kehendak-Nya, kita tidak mudah dikuasai oleh kepentingan diri sendiri dan seterusnya mendorong kita untuk menolak pelayanan,” kata prelatus itu kepada para religius dan lebih 300 umat yang datang.

Bapa Uskup Cornelius Piong mengungkapkan rasa syukur atas kesempatan merayakan Hari Hidup Bakti pada tahun ini. Prelatus itu juga mengucapkan terima kasih kepada semua anggota hidup bakti kerana menyahut panggilan Tuhan melalui Hidup Bakti dan menjadi perutusan untuk membawa khabar



baik untuk semua.

Prelatus itu juga menyeru semua anggota pelayan Gereja agar tidak lelah dalam melayani kerana pelayanan, sebaliknya mengingatkan agar tidak lupa kepada siapa yang telah mengutus kita.

Bapa Uskup mengingatkan hadirin agar sentiasa meneladani sikap Yesus yang tidak cepat marah

atau merungut apabila didatangi oleh banyak orang malah menerima dengan penuh belas kasih.

“Apabila Yesus melihat jumlah banyak orang, maka tergeraklah hatinya oleh belas kasihan kepada mereka kerana mereka seperti domba yang tidak mempunyai gembala” (Mrk 6: 34).

Syukurilah panggilanNya dan

ingat kembali pertanyaan Yesus kepada kita “Apakah yang kamu cari?” kata Ketua Keuskupan Keningau itu pada akhir homilinya.

Semasa Misa Kudus, para rohaniwan melafazkan pembaharuan janji komitmen serta perkongsian daripada seorang religius daripada Sister Chiara

Of The Blessed Trinity (OSC), Sr Chiara.

Dalam perkongsiannya, biarawati itu mengatakan bukan mudah untuk mengatakan “Ya” kepada panggilan Tuhan. Namun atas sokongan kuat daripada ahli keluarga dan kerana jatuh cinta dengan *Ordo Of Saint Clare*, akhirnya religius kelahiran daerah Penampang itu menerima lamaran Yesus dengan meninggalkan segala-gala dalam hidup selepas menyedari kekayaan rohani lebih kaya daripada kekayaan duniawi.

Sr Chiara mengakhiri perkongsiannya dengan ajakan kepada para belia agar tidak takut untuk menjawab panggilan Tuhan kerana kasih Tuhan akan menjadi sumber kekuatan dan sukacita.

Misa Kudus pada hari itu diakhiri dengan pengumuman tuan rumah Hari Hidup Bakti tahun 2026 iaitu paroki St Valentine, Beaufort. **Aloysia GBMPAK**



Hari Perkahwinan Sedunia di Katedral Sr John

KUALA LUMPUR: Hari Perkahwinan Sedunia yang dirayakan pada Februari 9, adalah perayaan tahunan yang menyoroti kepentingan perkahwinan dan peranannya dalam mengukuhkan keluarga dan masyarakat. Ia dirayakan pada Hari Minggu Kedua pada bulan Februari.

Di Katedral *St John the Evangelist* (CSJE), Pelayanan Hidup Keluarga dengan kerjasama *Worldwide Marriage Encounter* (WWME) Selangor dan Wilayah, meraikan perayaan itu dengan perayaan Ekaristi yang dipimpin oleh Uskup Agung Julian Leow, membawa 36 pasangan termasuk pasangan yang merayakan ulang tahun ke-56 perkahwinan.

Dalam homilinya, Uskup Agung

Julian menekankan bahawa perkahwinan tidak boleh dilihat sebagai laluan melarikan diri daripada kehidupan religius.

Tegasnya, “Perkahwinan adalah panggilan untuk komitmen yang panjang, pemberian diri yang mesti diasaskan pada cinta — Cinta yang berkongsi dalam kesetiaan kehidupan Yesus sendiri untuk Gereja.”

Uskup Agung Julian menggalakkan pasangan untuk sentiasa memohon kekuatan daripada Tuhan untuk memaafkan, berdamai dan menguatkan ikatan kasih mereka.

Dengan berbuat demikian, pasangan dapat mengatasi cabaran dan membina hubungan yang berkekalan yang berdasarkan pada cinta dan saling menghormati.

Rekoleksi SOCCOM Lahad Datu: Mengongsikan dengan lemah lembut

LAHAD DATU: Komisi Sosial Komunikasi (SOCCOM) paroki St Dominic, Lahad Datu telah mengadakan rekoleksi pada Februari 7-8 di Gereja St Dominic.

Pada hari pertama rekoleksi, ia diadakan di *Café St Dominic* dengan acara makan malam bersama.

Hari kedua program rekoleksi bermula dengan doa pagi diikuti sesi *Ice Breaking*. Kemudian, ia diteruskan dengan sesi pertama oleh Sdra Farnandes Siprianus iaitu Pesan Sri Paus Fransiskus untuk Hari Komunikasi Sosial Sedunia ke-59 yang bertema “Kongsikan dengan lemah lembut harapan yang ada dalam diri anda” (1 Pet 3: 15-16).

Sesi ini mengandungi empat bahagian iaitu “komunikasi yang menenangkan” (*Disarming communication*), “Mengendalikan dengan lemah lembut akan harapan yang ada dalam diri kita” (*Accounting with gentleness for the hope that is in us*), “Berharap Bersama” (*Hoping together*) dan



“Jangan Lupakan Hati” (*Do not forget the heart*).

Sesi kedua merupakan Bengkel Asas Penulisan yang dikendalikan oleh Sdri Mazdollyna Majalin. Beliau menerangkan Empat Pelan Struktur Artikel iaitu tajuk utama, pendahuluan, maklumat perjalanan program atau isi-isi penting dan penutup.

Beliau turut mengingatkan para penulis Katolik agar menghindari penulisan berbau ketidakkadilan.

Selain itu, Sdri Mazdollyna juga menyatakan sebelum sesebuah artikel dihantar untuk penerbitan, ia haruslah disemak oleh pembaca pruf untuk pembedaan ejaan,

pembedaan fakta dan sebagainya.

Sesi-sesi seterusnya dikendalikan oleh Sdra Jaymar Pentojo Amarille yang mengendalikan sesi Bengkel Asas Fotografi pada Bengkel Asas Videografi oleh Sdri Monica Ondin Pelang.

Pada akhir rekoleksi, Sdra Farnandes dan Jaymar mengingatkan para ahli Soccom khususnya para jurufoto agar sentiasa mematuhi peraturan ketika mengambil gambar di dalam Gereja.

Rekoleksi diakhiri dengan doa penutup yang dipimpin oleh Sdra Farnandes. **Mazdollyna Majalin Eborok**

Sahabat kecil Yesus

Hello adik-adik,

Apa khabar? Tidak lama lagi kita akan memasuki minggu Pra-Paskah. Pada hari Rabu, Mac 5, 2025, kita akan menyambut Hari Rabu Abu. Adik-adik pasti tahu apa yang berlaku pada Hari Rabu Abu,

bukan?

Dahi kita akan ditandai dengan tanda Salib dengan abu yang telah diberkati. Hari Rabu Abu mengajak kita untuk kembali kepada Injil. Selain itu, ia juga mengajak kita untuk menyedari bahawa kita berasal

daripada abu dan akan kembali menjadi abu.


Lantaran itu, masa Pra-Paskah adalah masa yang sangat baik untuk kita membetulkan semula sikap kita yang mungkin terlalu nakal dan degil. Adik-adik, antie juga ingin

mengambil kesempatan ini, selamat memulakan musim Pra-Paskah.

Semoga kita semua meningkatkan ketekunan dalam berdoa dan membaca firman Tuhan. Amen.

Salam sayang
Antie Melly


Yesus mempunyai pesan untuk kita semua. Baca pesan Yesus itu dengan menulis perkataan mengikut bentuk kotak yang disediakan.



(Lukas 6: 43)



Bantu kanak-kanak ini mencari jalan ke Gereja agar dapat menerima abu.



Buat tanda salib pada dahi setiap kanak-kanak ini dan jangan lupa mewarnakannya.



BELIA

PERHIMPUNAN BELIA KATOLIK MALAYSIA, Hujung Mac Ini!



MCYD 2025

MALYSIAN CATHOLIC YOUTH DAY
31 MAR-6 APRIL 2025
KOTA KINABALU, SABAH

Kota Kinabalu: Hari Belia Katolik Malaysia 2025 (MCYD), yang akan dianjurkan bersama oleh Katedral Sacred Heart dan beberapa paroki terdekat, dijangka akan menerima sekitar 1,500 perwakilan dari sembilan keuskupan/agung dan Vikariat Brunei pada Mac 31 - April 6, 2025.

MCYD merupakan salah satu acara sebagai persediaan Konvensyen Pastoral Malaysia 2026 yang akan diadakan di Pusat Majodi, Johor Baharu.

Apabila ditanya mengenai persiapan untuk MCYD, Sr Terry Loukang FSIC berkata semua persiapan sedang rancang dilakukan.

Pasukan penganjur tempatan (LOT)

bekerjasama rapat dengan pasukan penganjur utama (MOT) supaya semua perwakilan dapat mengalami cinta Tuhan melalui MCYD.

Ditanya mengenai jadual perjalanan program, Sr Terry menjelaskan, "Tiga hari pertama MCYD akan dilakukan di lima buah pusat paroki di mana semua perwakilan dibahagikan kepada lima kumpulan berdasarkan kumpulan umur yang ditetapkan. Para peserta juga tinggal bersama keluarga angkat sepanjang program MCYD."

Lima pusat paroki tersebut ialah Katedral Sacred Heart, Holy Nativity, Terawi; Stella Maris, Tg Aru, Mary of Immaculate Bukit Padang dan St Michael, Penampang.

Menurut Sr Terry, "Misa pembukaan akan diadakan pada hari pertama MCYD dan majlis sambutan yang dianjurkan oleh pasukan penganjur tempatan di setiap lima paroki penganjur.

Salah satu aktiviti utama semasa perhimpunan belia adalah perbualan dalam Roh yang memberi tumpuan kepada empat topik MPC 2026 iaitu Gereja, Keluarga, Sosial dan Ekologi.

Pendekatan ini adalah cara untuk mendengar dan memahami anak-anak muda kita di Malaysia mengenai isu-isu kontemporari yang berlaku dalam hidup mereka."

Bahagian kedua MCYD adalah Festival Belia di mana semua perwakilan akan berhimpun di Katedral Sacred Heart.

Sr Terry juga menyatakan acara lain ialah sukan mini, berjalan kaki rohani dengan uskup dan kaunter maklumat yang memberi penjelasan tentang panggilan.

Pasukan penganjur juga teruja meraikan golongan muda dengan semua umat Keuskupan Kota Kinabalu semasa Jalan Salib pada April 4 dan Misa Kudus Pengutusan pada April 5, 2025.



Pelajar Katolik hargai kekudusan tubuh

BANGKOK: Hari Valentine di Thailand merupakan salah satu acara yang meriah. Hiasan berbentuk hati, mengisi pusat membeli-belah. Namun, di sebalik suasana gembira, kebimbangan berterusan apabila Thailand mempunyai salah satu kadar kehamilan remaja tertinggi di Asia Tenggara, dan tinjauan menunjukkan bahawa ramai remaja melihat Februari 14, sebagai hari yang ideal un-

tuk kehilangan keperawanan mereka.

Bagi ibu bapa, perayaan yang berasal dari Barat ini menimbulkan kebimbangan tentang bagaimana anak-anak mereka memahami dan menyatakan cinta.

Oleh sebab itu, sekolah-sekolah Katolik di Thailand, mengajar bahawa Hari Valentine bukanlah tentang percintaan yang singkat tetapi peluang

untuk mencerminkan cinta yang lebih mendalam seperti yang diajar oleh Yesus.

Fr Paul Ekarat Homprathum, Setiausaha Agung Majlis Pendidikan Katolik Thailand, menyatakan Sekolah Katolik secara konsisten mendidik pelajar tentang cinta melalui ajaran Yesus, yang dipandu oleh nilai-nilai Injil. Matlamatnya adalah untuk membantu

pelajar mengembangkan rasa cinta dan belas kasihan sejati."

Memetik kata-kata Sri Paus Fransiskus, Fr Paul menekankan bahawa cinta adalah pusat kepada Injil -berakar umbi dalam Tuhan, dinyatakan melalui pelayanan, memerlukan rasa hormat dan kemurahan hati.

Di Sekolah Katolik Malasawan Pittaya di Nakhon Nayok, sekumpulan pelajar peribumi dari utara, yang menerima biasiswa penuh dari sekolah, mencerminkan cinta sebagai: "Tindakan yang tidak mementingkan diri sendiri memberi, mencerminkan kasih Yesus."

Sementara itu, di Sekolah St John, Thabom, di wilayah Loei berhampiran sempadan Laos, pelajar sekolah menengah, di bawah bimbingan para Sister Assumption, terlibat dalam perbincangan kumpulan kecil meneroka makna cinta yang lebih mendalam.

"Saya mengasihi diri saya sendiri tetapi cinta tidak harus mementingkan diri sendiri. Kita harus memberi tumpuan lebih kepada kesejahteraan orang lain, bukan keuntungan peribadi," kata seorang pelajar.

Seorang lagi pelajar mengatakan, "Cinta bukan sekadar perasaan tetapi pilihan untuk bertindak dengan kebaikan, kesabaran, dan pengampunan!"

LICAS News

Para pemimpin Gereja lihat potensi penginjilan melalui budaya

ROMA: Penginjilan melalui budaya adalah satu cabaran bagi Gereja, terutama dalam masyarakat di mana iman dilihat sebagai “sesuatu yang asing,” kata para peserta dalam perbincangan tentang iman dan budaya yang ditaja oleh Vatikan.

“Gereja perlu mempunyai hubungan yang baik dengan seni,” kata Stephen Callaghan, penulis skrip drama dan pengerusi Komisi Seni dan Kebudayaan Glasgow Keuskupan Agung, yang sejak tahun 2006, telah membenarkan artis dari semua latar belakang untuk mengadakan “pertemuan dengan Gereja Katolik.”

“Seni adalah tentang meneroka apa yang dimaksudkan untuk menjadi manusia, dan penjelmaan Yesus Kristus mengubahnya

selama-lamanya,” katanya pada Februari 17, pada pertemuan wakil-wakil Pusat Kebudayaan Katolik dari seluruh dunia di Vatikan.

Mesyuarat yang diadakan di Vatikan sebagai sebahagian daripada Tahun Jubli untuk Artis dan Dunia Budaya pada Februari 15-18, membawa bersama wakil-wakil dari Pusat Kebudayaan Katolik dan agensi Gereja yang didedikasikan untuk budaya.

Callaghan berkata bahawa Gereja tidak perlu bimbang tentang menyatakan nilai-nilainya melalui seni, dan dia mencontohi prestasi organisasinya yang diilhamkan oleh iman sebagai contoh bagaimana budaya dapat menjadi jambatan untuk penginjilan.

Projek ini mengadakan inisiatif seperti *Lentfest*, iaitu perayaan ta-



Sidang akhbar untuk acara Jubli para seniman (Media Vatikan).

hun dan perbincangan yang dianjurkan oleh Keuskupan Agung Glasgow.

Pada tahun lepas di Antoni Gaudí, reka bina di belakang basilika keluarga Kudus Barcelona, yang sering disebut sebagai *Sagrada Familia*, menarik penon-

ton dengan tiket yang habis dijual. “Gereja bukanlah penyelia moral dalam bidang seni - Gereja adalah penjaga kebenaran, keindahan dan kebaikan, dan oleh itu Gereja sangat penting dalam memulihkan harapan,” katanya. Kardinal José

Tolentino de Mendonça, prefek dalam budaya dan pendidikan, menganjurkan tema “*Craftsmen of Hope*” dan menggariskan kepentingan mengatasi “pemisahan antara budaya dan iman”. **Media Vatikan**

Kesehatan Sri Paus Fransiskus stabil, ucap terima kasih



VATIKAN: Dari biliknya di tingkat 10, Hospital Gemelli di Roma, Sri Paus Fransiskus mengucapkan terima kasih kepada semua orang yang berdoa untuk kesembuhannya dan meminta semua umat beriman mendoakan para kakitangan perubatan Hospital Gemelli.

Buletin malam Vatikan pada Februari 16 mengatakan bahawa “keadaan kesihatan Sri Paus Fransiskus adalah stabil dan dia melanjutkan terapi yang ditentukan oleh pasukan perubatan. Pada waktu pagi hari tersebut, Sri Paus menerima Komuni dan

menyaksikan Misa di televisyen. Prelatus itu menghabiskan harinya dengan membaca dan beristirahat.

Mengikuti nasihat doktor, prelatus itu perlu untuk berehat secukupnya.

Sri Paus Fransiskus yang berusia 88 tahun mengirinkan pesan singkat untuk diterbitkan pada Februari 16, sebagai katekesis yang biasa diberikannya kepada para pengunjung yang menghadiri doa *Angelus* pada tengah hari Hari Minggu.

Meskipun teks pesan Sri Paus tidak dibacakan kepada hadirin di Lapangan Santo Petrus, ratusan

orang berkumpul di sana untuk berdoa.

Lebih 50 orang, lapor *Vatican News*, juga berkumpul di luar Hospital Gemelli, berharap Sri Paus akan memimpin doa *Angelus* dari bilik hospital atau setidaknya datang ke jendela untuk melambai tangan.

Bapa Suci Fransiskus dirawat di Hospital Gemelli pada Februari 14, setelah lebih dari seminggu menderita bronkitis dan kesukaran bernafas.

Dalam pesan doa *Angelus*, Sri Paus meminta maaf kepada

orang-orang yang menghadiri Tahun Jubli untuk Dunia Seniman dan Kebudayaan, yang selama berharap dapat bertemu dengannya pada Februari 15 lalu.

“Terima kasih atas kasih sa-yang, doa, dan kedekatan anda yang menemani saya hari ini. Saya ingin mengucapkan terima kasih kepada para doktor dan petugas kesihatan di rumah sakit ini atas perawatan mereka: mereka melakukan pekerjaan dengan penuh dedikasi meskipun penat. Mari kita menyokong mereka dengan doa!” kata Sri Paus Fransiskus. **Media Vatikan**

Setiausaha Negara Vatikan tolak usul Trump

VATIKAN: Setiausaha Negara Vatikan, menolak usulan Presiden AS Donald Trump (*gambar*) untuk memindahkan warga Palestine dari Gaza, dengan mengatakan “penduduk Palestine harus tetap tinggal di tanah mereka.”

“Ini adalah salah satu pendirian dasar Takhta Suci: tidak ada deportasi,” kata Kardinal Pietro Parolin, Setiausaha Negara Vatikan semasa pertemuan Itali-Vatikan.

Memindahkan warga Palestine akan menimbulkan ketegangan regional dan “tidak masuk akal” kerana negara-negara tetangga seperti Yordan juga menentang usulan tersebut, lanjutnya.

Trump telah mengusulkan untuk mengambil alih Jalur Gaza yang dilanda perang dan akan memindahkan lebih dari dua juta penduduknya ke Yordan atau Mesir.

Para pemerhati mengatakan gagasan tersebut akan melanggar undang-undang antarabangsa, meskipun Perdana Menteri Israel, Benjamin Netanyahu menyebutnya sebagai sebuah



“revolusioner”.

Bapa Suci turut mengkritik rencana Trump untuk melakukan deportasi besar-besaran terhadap migran tidak berdokumen di Amerika Syarikat.

Dalam suratnya kepada para uskup di AS, pemimpin Gereja Katolik tersebut menyebut deportasi tersebut sebagai sebuah “krisis besar” dan mengatakan pemulangan kembali orang-orang ke negara-negara mereka yang dalam kesukaran, “merosakkan martabat” para migran. **Media Vatikan**

Lima ribu orang hadir paderi yang dibunuh sadis di Myanmar

YANGON: Seorang uskup agung yang memimpin upacara pemakaman seorang paderi keuskupan yang dibunuh secara sadis di Myanmar, menyeru agar keganasan di negara itu segera berakhir.

“Keganasan hanya membawa kematian dan kehancuran, keganasan adalah kekalahan,” kata Uskup Agung Mandalay, Msgr Marco Tin Win.

Uskup Agung Win menyampaikan homilinya semasa upacara pemakaman mendiang Fr Donald Martin Ye Naing Win pada Februari 17.

Upacara itu dihadiri lebih lima ribu orang, lapor *Fides*, portal berita Vatikan.

Uskup agung itu juga menyeru “kepada semua kumpulan bersenjata dan pelaku yang terlibat dalam konflik agar meletakkan senjata mereka dan mengambil jalan perdamaian.”

Misa pemakaman diadakan di Gereja Santa Perawan Maria Diangkat ke Syurga di desa Pyin Oo Lwin, Mandalay.

Paderi itu ditemui mati di kompleks Gereja Santa Maria Lourdes

di desa Kan Gyi Taw, Daerah Shwe Bo, Sagaing, sekitar 320 km dari ibu kota Yangon pada Februari 14.

Fr Martin, paderi keuskupan untuk Keuskupan Agung Mandalay, ditikam berkali-kali dan tubuhnya dimutilasi.

Semasa upacara pemakaman

tersebut, Uskup Agung Win membacakan pesan dari Nunsio Apostolik di Yangon dan pesan dari Konferensi para Uskup Katolik Myanmar, yang mengungkapkan solidariti mendalam dan tulus terhadap penduduk setempat atas kehilangan Fr Martin. **ucanews.com**



Mendiang Fr Martin yang dibunuh secara kejam di Myanmar.

AUDIENSI UMUM HARI RABU BERSAMA SRI PAUS FRANSISKUS

Tiga Majus, lambang murni para penziarah harapan

VATIKAN: Ketika Sri Paus Fransiskus masih menerima rawatan perubatan yang berterusan di Hospital Gemelli Roma kerana pneumonia berganda pada Februari 19, beliau telah menyeru umat untuk merangkul kegembiraan yang tidak terhingga seperti yang ditunjukkan oleh tiga Majus dari Timur ketika mereka akhirnya menemui Sang Kanak-kanak Yesus.

Sejak diarahkan berehat sepenuhnya oleh pasukan perubatan, Sri Paus tidak dapat mengadakan Audiensi Mingguannya. Namun Sri Paus meminta pejabat akhbar Takhta Suci untuk menerbitkan teks Jubli katekesis, “Yesus Harapan Kita” kepada para umat beriman sempena Audiensi Umum hari Rabu.

Dalam katekesisnya, Sri Paus memberi tumpuan kepada kunjungan para Majus kepada Anak Yesus, yang direkodkan secara eksklusif dalam Injil Sto Matius.

Sri Paus yang berusia 88 tahun itu menggalakkan orang Kristian untuk mengikuti jejak langkah para “Penziarah Harapan” yang bijak itu yang memulakan perjalanan mereka dari negara asal mereka demi mencari Tuhan.

Tiga Majus itu dianggap sebagai wakil kaum primordial, yang dihasilkan oleh tiga anak lelaki Nuh, dan tiga benua yang dikenali di Antiquity: Asia, Afrika, dan Eropah, serta tiga fasa kehidupan manusia: Belia, kematangan, dan usia tua,” jelas Sri Paus.

Bapa Suci mengimbas kembali perjalanan tiga raja itu demi menemui Kristus, bahawa ketika para Majus itu memulakan perjalanan, bintang telah muncul dan



Sri Paus Fransiskus beramah mesra dengan para penziarah harapan sebelum dimasukkan ke hospital pada Februari 14, 2025. (Media Vatikan).

membawa mereka kepada Yesus. Sri Paus mengatakan ia adalah tanda bahawa penciptaan dan perkataan nubuatan apabila Tuhan bercakap dan membolehkan dirinya dijumpai.

“Penglihatan berpandukan bintang memberi inspirasi kepada kegembiraan pada orang-orang itu, kerana Roh Kudus, yang membangkitkan hati siapa yang benar-benar mencari Tuhan, juga mengisinya dengan kegembiraan.”

Melalui Kitab Suci kuno, para Majus dikatakan dapat mengenal pasti tempat kelahiran “raja Yahudi yang baharu lahir” dan “menjadi orang percaya pertama dalam kalangan orang-orang kafir” dalam Yesus Kristus sebagai Juruselamat Dunia.

Sebenarnya, semasa memasuki rumah di mana Anak Tuhan berada, para Majus sudah, menyembah Yesus dan memberikan-Nya hadiah yang berharga, “yang layak seorang raja, yang layak untuk Tuhan.”

“Apakah yang dilihat oleh para Majus itu sebenarnya? Penulis kuno menulis: mereka melihat ‘tubuh kecil’ yang rendah hati yang telah diandaikan oleh Firman itu, tetapi kemuliaan Tuhan tidak tersembunyi daripada mereka, mereka melihat seorang bayi, tetapi mereka menyembah Tuhan.”

Oleh itu, beliau mengakui, para Majus menjadi “orang percaya yang pertama” gambaran di mana Gereja berkumpul dari setiap bahasa dan bangsa.”

“Marilah kita juga mengikuti jejak langkah para Majus, penziarah harapan yang, dengan keberanian, mengubah langkah mereka, hati mereka, dan karya-karya mereka ke arah-Nya.”

Bapa Suci Fransiskus mengakhiri katekesisnya dengan mengundang semua umat beriman untuk menawarkan anak Kristus hadiah yang paling indah, untuk menyatakan kepada-Nya iman dan cinta kita. **Media Vatikan**

PENULIS BERKICAU

Santo alaf baharu

Selalunya apabila disebut orang-orang kudus, kita akan membayangkan para martir dan hamba-hamba Tuhan yang dianiaya kerana iman mereka selepas kebangkitan Yesus.

Malah gambar-gambar mereka juga selalunya dilukis mengikut pandangan seniman pada ketika itu. Orang-orang kudus itu selalu dilukis dengan kepala mereka mendongak ke langit, atau dilukis dengan kepala mereka yang dinaungi dengan Ekaristi atau Bonda Maria!

Saya sendiri selalu membayangkan bahawa orang-orang kudus itu merupakan orang-orang suci yang hidup sebelum abad ke-21!

Tetapi baru-baru ini, Vatikan mengumumkan ada beberapa individu yang lahir pada tahun 1980-90-an, akan dikanonisasikan sebagai Santo.

Betapa terujanya saya apabila melihat bakal-bakal Santo itu dalam gambar berwarna. Sudah tentu antara calon Santo lahir 1990-an yang terkenal ialah Beato Carlos Acutis.

Carlo dijadualkan untuk dikanonisasi sebagai Santo pada April tahun ini iaitu sempena Jubli Remaja. Beliau menjadi orang kudus milenium pertama dan model kekudusan untuk golongan muda dalam era digital. Dan sudah tentu, saya mengharapkan Sri Paus Fransiskus yang sedang berehat di rumah sakit pada ketika artikel ini ditulis, sudah cukup sihat untuk memimpin Misa Kudus Kanonisasi tersebut.

Pernahkah anda mendengar nama Akash Bashir? Akash merupakan seorang pelajar dari Pakistan dan bekas pelajar Salesian yang memberikan hidupnya untuk melindungi beratus-ratus umat di Gereja St John di Lahore. Pada Mac 15, 2005, ketika dia berusia 20 tahun, dia menghalang pengebom bunuh diri dari memasuki Gereja semasa Misa Hari Minggu. Akash dikatakan memegang pengebom itu dengan ketat dan berkata: “Saya akan mati, tetapi saya tidak akan membiarkan anda masuk ke Gereja.”

Penyerang meletupkan bom itu dan kedua-duanya meninggal dunia. Saya melihat pengorbanan Akash yang menghalang pembunuhan beramai-ramai dan imannya yang tidak berbelah bahagi merupakan simbol harapan untuk masyarakat Kristian di Pakistan — sebuah negara di mana penganut Kristian menderita penganiayaan yang berterusan.

Sri Paus Fransiskus telah mengisytiharkannya sebagai hamba Tuhan. Pada tahun lalu, proses mengumpulkan dokumen untuk menjadikan Akash sebagai “Beato” telah dihantar ke Vatikan. Sekiranya pengiktirafan ini berlaku, Akash akan menjadi Beato pertama Pakistan.

Jarang berlaku apabila seseorang remaja yang mempunyai potensi besar dalam bidang seni untuk meninggalkan industri yang penuh *glamour* dan menjanjikan kemewahan.

Tetapi seorang remaja bernama Clare Crockett tidak menyesal meninggalkan dunia hiburan untuk menjadi seorang religius.

Sr Clare yang lahir pada tahun 1982, meninggal dunia pada April 16, 2016, ketika membantu murid-murid menyelamatkan diri dalam bencana gempa bumi.

Demikianlah beberapa kisah kaum muda yang memberi inspirasi pada Tahun Jubli ini. Dan ketika artikel ini ditulis, Sri Paus Fransiskus masih menerima rawatan di *Agostino Gemelli Hospital*, Roma. Dikatakan stabil namun masih di bawah pengawasan para doktor.

Mendoakan Mazmur pada musim Pra-Paskah

Banyak Mazmur dalam Perjanjian Lama bercakap tentang keadaan manusia dan keperluan kita untuk pertaubatan.

Mazmur 51, adalah puisi indah yang mengingatkan dosa kita, sementara menantikan penebusan dalam Kristus. Mazmur 51, juga dikenali sebagai *Miserere*, adalah Mazmur yang sempurna untuk memulakan musim Pra-Paskah. Gereja juga menetapkan Mazmur ini untuk liturgi Rabu Abu.

Berikut merupakan petikan Mazmur 51: 2-4:

Kasihilah aku, ya Tuhan, menurut kasih setia-Mu, hapuskanlah pelanggaranku menurut rahmat-Mu yang besar!

Bersihkanlah aku seluruhnya dari kesalahanku, dan bersihkanlah aku dari dosaku!

Sebab aku sendiri sedar akan pelanggaranku, aku senantiasa bergumul dengan dosaku.

Terhadap Engkau, terhadap Engkau sajalah aku telah berdosa dan melakukan apa yang Kau anggap jahat, supaya ternyata Engkau adil dalam putusan-Mu, bersih dalam penghukuman-Mu.

Tradisi kuno Gereja mempunyai tujuh Mazmur, yang disebut “Mazmur Penitensi” kerana tema rohaninya yang



mendalam tentang penebusan dan pertaubatan. Adalah dipercayai bahawa Mazmur yang bertema “Penitensi” ini bermula sejak abad ke-tujuh dan telah berterusan sejak itu.

Antara Mazmur “Penitensi” itu ialah Mazmur 6, Mazmur 32 dan Mazmur 38.

Mazmur 6: 2-6 (Doa dalam Pergelutan)

Ya Tuhan, janganlah menghukum aku dalam murka-Mu, dan janganlah mengajar aku dalam kepanasan amarah-Mu. Kasihilah aku, Tuhan, sebab aku merana; sembuhkanlah aku, Tuhan, sebab tulang-tulangku gementar, dan jiwaku pun sangat terkejut; tetapi Engkau, Tuhan, berapa lama lagi?

Kembalilah pula, Tuhan, luputkanlah jiwaku, selamatkanlah aku oleh kerana kasih setia-Mu.

Sebab di dalam maut tidaklah orang

ingat kepada-Mu; siapakah yang akan bersyukur kepada-Mu di dalam dunia orang mati?

Mazmur 32 (Kebahagiaan orang yang diampuni dosanya)

Berbahagiailah orang yang diampuni pelanggaranannya, yang dosanya ditutupi!

Berbahagiailah manusia, yang kesalahannya tidak diperhitungkan Tuhan dan yang tidak berjiwa penipu!

Selama aku berdiam diri, tulang-tulangku menjadi lesu kerana aku mengeluh sepanjang hari; sebab siang malam tangan-Mu menekan aku dengan berat, sumsumku menjadi kering, seperti oleh teriknya musim panas.

Dosaku ku beritahukan kepada-Mu dan kesalahanku tidaklah kusembunyikan ...

Aleteia

MARI dan jadilah komuniti pemberita HERALD.
Kami amat mengalu-alukan sumbangan artikel, pendapat dan perkongsian anda.

Kami mengalu-alukan artikel dalam 400-500 patah perkataan, gambar high-resolution (300 DPI) dalam format JPG atau PNG serta berkapsyen.

Anda boleh menghantar artikel kepada liza@herald.com.my atau

WhatsApp: 011-26391498

UNTUK KELUARGA DALAM KRISIS
MARILAH KITA BERDOA AGAR KELUARGA YANG BERPECAH
BELAH DAPAT MENEMUI PENAWAR UNTUK LUKA MEREKA
MELALUI PENGAMPUNAN, Mencari semula karunia
masing-masing, walaupun dalam perbezaan mereka.

Pendoa online lahirkan pemimpin muda berani bersaksi

KULAI, Johor: Legacy Doa Rosario (LDR) adalah kumpulan doa secara dalam talian yang ditubuhkan pada masa pandemik Covid-19 yang lalu, namun masih aktif dalam pelayanan doa sehingga kini.

Menurut Puan Mariana Bt Lucius Guriding atau Kathy, pengasas LDR, kumpulan doa online itu sekarang mempunyai 410 ahli.

Kumpulan doa maya itu melaksanakan doa-doa berikut setiap hari iaitu doa subuh, novena/ doa Angelus pada jam 5.30-6.00 pagi, doa Kerahiman Ilahi jam 3.00 petang, doa rosari jam 8.00-9.00 malam.

LDR memberi peluang kepada kanak-kanak dan belia memimpin doa rosari setiap hari Ahad dan Khamis.

Manakala pada hari lain, doa rosari bermula jam 9.00-10.00 malam, dipimpin oleh orang dewasa. Ahli-ahli LDR datangnya dari pelbagai tempat di seluruh Malaysia dan Indonesia. Di samping menyasarkan ajakan berdoa, LDR juga mengadakan program seperti Bicara Rohani setiap bulan.

Mereka yang pernah menjadi pembicara dalam program-program online ialah Fr Dr Charles Chiew, Sr Judith Benedict FSIC, Sr

Tauria Tausin FSIC, Sr Susan Dulang SSFS, Bro Peter Langgayang dan Calon Diakon Isaac Alfred Simbun.

Bicara Rohani yang dikendalikan oleh Fr Dr Charles Chiew baru-baru ini dengan tajuk "Kuasa kegelapan/Eksorsisme" telah mencatatkan penyertaan dalam talian lebih dari 600 orang.

Sepanjang tiga tahun ini, para pendoa dalam LDR bukan sahaja berdoa secara rutin dan teratur, mereka juga belajar mendengar firman Tuhan melalui bacaan harian liturgi dan merenungkannya sebelum doa rosari.

Menariknya, bagi mereka yang tidak ada keyakinan untuk berkongsi terutama remaja dan kanak-kanak, mereka digalakkan untuk mengambil bahagian dalam doa dan memimpin doa.

Dengan usaha ini, LDR melihat ramai anak muda yang dahulunya enggan ke hadapan, kini sudah boleh memimpin doa.

Ditegaskan LDR hanyalah kumpulan doa dalam talian dan sangat menggalakkan umat untuk menghadiri Misa di Gereja.

Bagi mereka yang ingin menyertai kumpulan doa online ini, boleh menghubungi admin



Antara program yang telah dianjurkan oleh LDR dalam talian. kumpulan tersebut: 012-8983382 (Kathy) 0149103257 (Yati) dan 0142803326 (Aini).

Pengikut Yesus harus sentiasa mencintai Injil

SINUA, Sook: Komisi Katekis Keuskupan Keningau telah mengadakan pertemuan pada Februari 14-15, 2025 bertempat di Rumbio Trusmi Riverside Park Sinua, Sook.

Pertemuan dimulai dengan Misa Kudus yang dipimpin oleh Pembimbing Rohani Komisi Katekis Keuskupan, Fr Roney Peter Mailap, yang turut dihadiri umat di sekitar kampung Sinua termasuk para belia yang membantu dalam koir.

Dalam homilinya, Fr Roney membawa para katekis untuk merenungkan maksud Injil Markus tentang "Effata" atau "terbukalah".

Kita sudah mengalami proses itu dan menjadi pelayan sabda Tuhan namun proses ini bukan bermaksud sekali sahaja tetapi sentiasa terbuka mendengar Tuhan dan pada masa yang sama, mempraktikkannya dalam konteks karya kita setiap hari.

Kadang kala kita mendengar firman Tuhan dengan baik namun tidak menterjemahkan dalam kehidupan dan pelayanan kita sehari-hari. Sikap ini harus dihindari oleh setiap pelayan Tuhan kerana kita perluewartakan Khabar Gembira, bukan sekadar menjalankan pelayanan. Tuhan sentiasa terbuka seperti dahulu, sekarang dan selama-lamanya serta sentiasa mengangkat potensi setiap orang selagi kita membukakan hati kita kepada-Nya.

Selepas Misa Kudus, semua peserta dan umat dijamu dengan hidangan makan malam yang disediakan oleh Kerasulan Wanita Katolik Zon Sinua.

Hari berikutnya bermula dengan doa rosari yang dipimpin oleh Legion of Mary Zon Sinua bersama para peserta.

Selepas sarapan, para peserta mengikuti sesi pertama yang dikendalikan oleh



pengerusi Komisi Katekis Keuskupan, Katekis Victor S. Ekang.

Beberapa hal telah dibincangkan terutama retret para katekis dan juga konvensyen katekis keuskupan.

Pada sesi kedua iaitu sesi komunikasi

dengan paderi, Fr Roney berharap semua katekis di setiap paroki untuk melibatkan diri secara aktif program utama keuskupan iaitu Tahun Jubli 2025 dan Perhimpunan Katolik Wilayah Sabah pada bulan Mei nanti. **Christy F. Anjun**

Kursus tahunan memantapkan pelayanan katekis

KUALA LUMPUR: Pelayanan Kateketikal Keuskupan Agung Kuala Lumpur (KLACM) baru-baru ini menjadi tuan rumah untuk program tahunan Penabur Benih untuk Katekis. Kursus pensijilan asas ini, dengan kerjasama Universiti HELP, pada mulanya direka untuk katekis baharu tetapi kini juga dibuka kepada ahli katekis lama.

Kursus ini menyajikan tiga objektif utama: untuk memberi inspirasi kepada para peserta agar memahami panggilan dan misi katekis, untuk melengkapkan mereka dengan kemahiran penting bagi merancang pembelajaran kateketikal yang berkesan, dan untuk memupuk semangat komuniti dengan menyediakan peluang untuk berhubung dengan para katekis dari pelbagai paroki.

Pada tahun ini, kursus dikendalikan



oleh Dr Steven Selvaraju, pengarah Pusat Kateketikal Keuskupan Agung KL pada Februari 8-9 lalu dalam bahasa Inggeris, Bahasa Malaysia, Tamil dan Mandarin.

Seramai 72 peserta menghadiri kursus yang meliputi topik seperti misi katekis,

proses kateketikal, pemahaman pelajar dan pembelajaran, perancangan pelajaran, kerohanian katekis dan renungan.

Acara ini bermula dengan ucapan daripada Dr Steven kemudian para peserta mengikuti kursus mengikuti bahasa mas-

ing-masing.

Antara topik yang disampaikan, "Panggilan dan Misi Katekis" menyentuh tentang cabaran menyampaikan iman kepada dunia yang selalu berubah dan bagaimana mereka dapat menghadapi pelbagai cabaran tersebut. Sesi kedua mengenai proses kateketikal pula adalah pengenalan tentang 'bagaimana' menjadi seorang katekis, berakar pada prinsip pedagogi Ilahi, atau bagaimana Tuhan mengajar umat-Nya.

Peserta juga diperkenalkan kepada Siri Katetikal Malaysia dan bagaimana setiap topik dalam siri itu berdasarkan prinsip-prinsip katekesis yang sama serta peranan mereka dalam membawa setiap pelajaran kepada kehidupan dengan bimbingan Roh Kudus dan dengan Yesus sebagai model peranan mereka.